



ДОМ НАРОДА

DOM NARODA

ПРЕДСТАВНИЧКИ ДОМ

PREDSTAVNIČKI DOM
ZASTUPNIČKI DOM

Комисија за избор и праћење рада
Агенције за превенцију корупције и
координацију борбе против корупције

Komisija za izbor i praćenje rada
Agencije za prevenciju korupcije i
koordinaciju borbe protiv korupcije

Povjerenstvo za izbor i praćenje rada
Agencije za prevenciju korupcije i
koordinaciju borbe protiv korupcije

Број: 05/8-50-14-218-12/13

Сарајево, 13.9.2013.

Z A P I S N I K

12. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 31.5.2013., od 11,30 do 13 sati

Sjednicu Komisije za izbor i praćenje rada Agencije za prevenciju korupcije i koordinaciju borbe protiv korupcije sazvala je predsjedavajuća Komisije Dušanka Majkić.

Sjednici su prisustvovali sljedeći članovi Komisije: Dušanka Majkić, Mirsad Abazović, Beriz Belkić, Staša Košarac, Niko Lozančić, Milenko Obad i Milorad Vulić.

Odsustvo sa sjednice pravdali su Sulejman Tihic i Borjana Krišto.

Sjednici su prisustvovali i gosti, kao i predstavnik Sekretarijata Parlamentarne skupštine BiH:

- Sead Lisak, direktor, te Dragan Slipac i Sreto Pekić, zamjenici direktora Agencije za prevenciju korupcije i koordinaciju borbe protiv korupcije, i
- Jovica Katić, privremeni sekretar Komisije za izbor i praćenje rada Agencije za prevenciju korupcije i koordinaciju borbe protiv korupcije.

Predsjedavajuća je na početku upoznala članove Komisije s predloženim dnevnim redom.

Kako o prijedlogu dnevnog reda nije vođena rasprava, predsjedavajuća je dala na glasanje dnevni red.

Članovi Komisije jednoglasno su, sa osam glasova „za“, usvojili predloženi dnevni red, čime je konstatirano da 12. sjednica Komisije za izbor i praćenje rada Agencije za prevenciju korupcije i koordinaciju borbe protiv korupcije ima sljedeći

DNEVNI RED

1. Usvajanje Zapisnika 11. sjednice Komisije;
2. Razmatranje Izvještaja o radu Agencije za prevenciju korupcije i koordinaciju borbe protiv korupcije za 2012. godinu (sačinilac: Agencija za prevenciju korupcije i koordinaciju borbe protiv korupcije);
3. Tekuća pitanja.

Ad.1. Usvajanje Zapisnika 11. sjednice Komisije

Naglašavajući da su članovi Komisije u materijalima za sjednicu dobili Prijedlog zapisnika prošle sjednice Komisije, predsjedavajuća je o njemu otvorila raspravu.

Beriz Belkić je u okviru rasprave sugerirao da se Zapisnik prošle sjednice ispravi u dijelu koji se odnosi na prvu primjedbu članova Komisije na Izvještaj Agencije, u kojem se navodi da Agencija ne može biti smještena u neuslovnim prostorijama za rad, kao što je trgovački centar u kojem se trenutno nalazi, te da se dio koji govori da ovaj objekat nema adekvatnu službu osiguranja, zamijeni konstatacijom da nije primjereno da Agencija bude smještena u trgovačkom centru.

S obzirom da nije bilo daljnje rasprave, Komisija se izjasnila o Prijedlogu zapisnika, s prijedlogom izmjene koju je predložio Beriz Belkić.

Članovi Komisije su jednoglasno, sa sedam glasova „za“, usvojili Zapisnik 11. sjednice s korekcijom navedenom u raspravi.

Ad.2. Razmatranje Izvještaja o radu Agencije za prevenciju korupcije i koordinaciju borbe protiv korupcije za 2012. godinu (sačinilac: Agencija za prevenciju korupcije i koordinaciju borbe protiv korupcije)

Dušanika Majkić je u uvodnom dijelu navela da je Agencija za prevenciju korupcije i koordinaciju borbe protiv korupcije, u skladu sa zaključcima s prošle sjednice, dostavila Komisiji dorađeni Izvještaj o radu Agencije za 2012. godinu.

Napomenula je da se Komisija izjašnjava o ovom modificiranom izvještaju i o eventualnim zaključcima koji proizađu iz rasprave o njemu.

Zatim je pozvala direktora Agencije za prevenciju korupcije i koordinaciju borbe protiv korupcije da kratko upozna Komisiju o najbitnijim elementima ovog revidiranog izvještaja.

Sead Lisak, direktor Agencije za prevenciju korupcije i koordinaciju borbe protiv korupcije, kratko je podsjetio da je Komisija svojim zaključkom ovaj izvještaj vratila Agenciji na doradu, uz konstataciju da on metodološki nije sačinjen korektno, te da u njemu nije na jasan

način prezentiran stvarni rad Agencije u prethodnoj godini i da se iz njega ne može sagledati realizacija mjera iz Akcionog plana za provođenje Strategije za borbu protiv korupcije za period 2009.–2014. godina. Naveo je da ovaj novi modificirani izvještaj predstavlja realizaciju zaključka, te da su njime uvaženi prijedlozi članova Komisije prizašli iz rasprave o ovom izvještaju na prošloj sjednici Komisije.

U raspravi o Prijedlogu izvještaja od članova Komisije učestvovali su: Beriz Belkić, Dušanka Majkić, Staša Košarac, Niko Lozančić, Mirsad Abazović, Milenko Obad i Milorad Vulić.

Rukovodstvo Agencije - Sead Lisak, direktor, te Sreto Pekić i Dragan Slipac, zamjenici direktora - dali su odgovore na pitanja proistekla iz rasprave.

Nakon sveobuhvatne rasprave Komisija je, jednoglasno, sa sedam glasova „za“:

- 1. usvojila Izvještaj o radu Agencije za prevenciju korupcije i koordinaciju borbe protiv korupcije za 2012. godinu u predloženom tekstu,**
- 2. predložila domovima Parlamentarne skupštine BiH da, u skladu s članom 64. Poslovnika Predstavničkog doma, odnosno članom 58. Poslovnika Doma naroda, u dnevne redove svojih narednih sjednica uvrste razmatranje navedenog izvještaja, kako bi se Parlamentarna skupština BiH u potpunosti upoznala s predmetnom problematikom, a domovi Parlamentarne skupštine BiH donijeli relevantne zaključke.**

Komisija je zatim, s pet glasova „za“ i dva glasa „suzdržan“, te bez glasova „protiv“, usvojila zaključak broj 2., koji je sastavni dio Izvještaja, a koji glasi:

„Pokreće se procedura, uz saglasnost Parlamentarne skupštine BiH, prema Vijeću ministara BiH za iznalaženje dodatnih sredstava iz rezervi budžeta Bosne i Hercegovine za zapošljavanje šest državnih službenika i dva zaposlenika u Agenciju, te iznalaženje sredstava za podršku primjeni Akcionog plana za provođenje Strategije za borbu protiv korupcije za period 2009.–2014.“

Također, Komisija je jednoglasno, sa sedam glasova „za“, usvojila korigirani zaključak broj 3. Izvještaja, kako slijedi:

„Parlamentarna skupština BiH daje punu podršku daljnjim naporima Agencije za prevenciju korupcije i koordinaciju borbe protiv korupcije, s ciljem prevencije korupcije na svim nivoima, kao i podršku u realizaciji aktivnosti iz Akcionog plana za provođenje Strategije za borbu protiv korupcije.“

Osim navedenog, Komisija je, također, jednoglasno, sa sedam glasova „za“, usvojila i domovima Parlamentarne skupštine BiH predložila usvajanje sljedećih zaključaka:

- 1. Parlamentarna skupština BiH zahtjeva od Agencije za prevenciju korupcije i koordinaciju borbe protiv korupcije da tokom 2013. godine preduzme sve mjere na ispunjavanju obaveza iz Strategije za borbu protiv korupcije.*
- 2. Parlamentarna skupština BiH sugerira Agenciji za prevenciju korupcije i koordinaciju borbe protiv korupcije da pokrene inicijativu prema nadležnim institucijama Bosne i Hercegovine da se adekvatno riješi pitanje trajnog smještaja Agencije, u skladu s Odlukom Vijeća ministara BiH o sjedištu Agencije za prevenciju korupcije i koordinaciju borbe protiv korupcije („Službeni glasnik BiH“, broj 25/10).*

Ad.3. Tekuća pitanja

U okviru ove tačke dnevnog reda nije vođena rasprava.

Sjednica je završena u 13 sati.

Sekretar Komisije
Jovica Katić

Predsjedavajuća Komisije
Dušanka Majkić

Dostavljeno:

- naslovu
- a/a